



辨道標注

傷家 坦律

全

二十六  
四

百

□ 13  
1185



門仁  
歸  
卷



辨道標註序

幽矣哉天不可得而窺也大矣哉道亦難得而知  
焉夫昭昭者莫明乎日月日月著明然時有昏晦  
以利天下莫大乎聖人聖人天縱然時有困否道  
之行不行雖聖者莫之當于時而能為矣匡人圍  
孔子秦火燔六經果天歟抑人歟夫子沒既久遠  
矣又復孔子者不出於世然幸遺經今存存則云  
之聖人在世可也而其聖經有二大厄祖龍厄之  
火宋儒厄之理宋儒嘗謂秦不曾壞了道脉至漢  
而大壞吾謂聖經之二大厄秦火甚暴而卜書不



辨道標註序

亡孔壁能藏漢儒最粗而風流猶存古義傳授其  
大厄者非漢而在宋宋諸老先生爲言至高妙解  
經尤瑣雜唯理是務厥旨不爲老莊之歸則浮屠  
之見耳與聖人之道天冠地履何所發明之有日  
欲替聖旨而日爲昧聖意豈非厄之大者哉噫道  
之否塞于茲有年矣我

皇和及

昭代之運文明之時徂徠物先生者出而以能復聖  
道於古知古言脩古文辭卓然見識度越諸儒嘗  
著辨道明爲道先王之道道者統名於是乎先王

孔子之旨開通彰著煥煥乎如杲日矣其有功于  
聖經莫大焉得天之靈哉得時之遇哉不佞教育  
二三子之暇標出其言之所由來爲檢閱之助只  
授之童蒙而已若大方之士則不敢云爾

寬保元辛酉季秋穀旦小木子衡識

辨道標註序終

Blank page with vertical lines for text.

辨道標註



勢州 小木子衡 編輯

一端 禮記祭義篇夫言豈一端而已 ○思 史

記孔子世家孔子生鯉字伯魚伯魚生伋字子思

○孟 史記列傳曰孟軻鄒人也正義曰軻字子輿

漢書藝文志註字子車 ○儒家者流 漢書藝文

志曰儒家者流蓋出於司徒之官助人君順陰陽教

化者也游文於六經之中留意於仁義之際祖述堯

舜憲章文武宗仲尼以重其言於道最為高 ○爭

衡 漢書鄒陽傳今吳楚之王練諸侯之兵敵白徒

之衆西與天子爭衡。○子思作中庸。孔叢子居  
衛篇曰。宋大夫樂朔圍子思。宋君聞之。駕而救子思。  
子思既免。曰。文王困於牖里。作周易。祖君屈於陳。蔡  
作春秋。吾困於宋。可無作乎。於是撰中庸之書。四十  
九篇。史記孔子世家曰。子思年六十二。嘗困於宋。作  
中庸。○老氏。史記老子傳曰。老子者。楚苦縣厲  
鄉曲仁里人也。姓李氏。名耳。字伯陽。謚曰聃。守藏室  
之史也。著書上下篇。言道德之意。○抗。韻學集  
成云。抗抵也。敵也。○作者之謂聖。禮記樂記之  
文。○三重。禮記中庸曰。王天下有三重焉。其寡

過矣乎。鄭玄註。三重。三王之禮。○解嘲。漢書揚  
雄傳曰。雄方草太玄。有以自守。泊如也。或譏雄以玄  
尚白。而雄解之。號曰解嘲。○一德。書泰誓上。嗚  
呼。乃一德一心。○告子。趙岐孟子註。告姓也。名  
不害。○自然。老子曰。功成事遂。百姓皆曰。我自  
然。○立言。左傳襄公二十四年。大上有立德。其  
次有立功。其次有立言。○毫釐千里。禮記經解  
云。易曰。君子慎始。差若毫釐。繆以千里。陳澧註。所引  
易曰。緯書之言也。○胚胎。韓愈詩。木氣怯胚胎。  
淮南子精神訓云。一月而膏。二月而肤。三月而胎云。

云蓬窻日錄云人受命於天地變化而生一月而膏  
 二月而脉三月而胚謂如水胞之狀四月而胎謂如  
 水中鰕螭胎 ○荀子 史記列傳曰荀卿趙人乃  
 適楚而春申君以為蘭陵令推儒墨道德之行事興  
 壞序列著數萬言而卒索隱曰名况卿者時人相尊  
 而號為卿也 ○風流 漢書趙充國辛慶忌傳贊  
 今之歌謠慷慨風流猶存耳 ○韓愈 唐書列傳  
 曰韓愈字退之鄧州南陽人卒贈禮部尚書謚曰文  
 ○程 宋鑑曰程顥字伯淳河南人世稱明道先生  
 後謚曰純公封河南伯又曰程頤字正叔世稱伊川

先生後謚曰正公封伊陽伯 ○朱 宋史列傳曰  
 朱熹字元晦一字仲晦徽州婺源人 ○諸公 指  
 宋諸儒也 ○豪傑 孟子滕文公上篇彼所謂豪  
 傑之士也 ○六經 郡書拾唾云漢儒以詩書禮  
 樂易春秋為六經後世樂書亡故止稱五經亦有以  
 周禮合稱六經者 ○伊氏 古學先生行狀曰維  
 楨字原佐姓伊藤洛陽人 ○古義 即論語古義  
 也 ○陸 陸象山先生年譜曰九淵字子靜姓陸  
 氏金谿人 ○不佞 左氏傳昭公二十年臣不佞  
 不能苟貳杜註曰佞才也五車韻瑞樂毅書註不佞

自謙之辭。○籍天寵靈。左氏傳宣公十二年敢

藉君靈以濟楚師。易師卦象曰在師中吉。承天寵也。

○王明詩正聲詩人姓氏爵里曰王世貞字元

美號鳳洲太倉人嘉隆間官刑部尚書。○李萬

姓統譜曰李攀龍字于鱗歷城人嘉靖甲辰進士。

○稍稍。漢書禮樂志云王者必因前王之禮順時

施宜有所損益即民之心稍稍制作至大平而大備

說文稍稍漸也。○訓詁。漢書楊雄傳不為章句訓

詁通而已。○泛濫。孟子滕文公下曰水逆行汜

濫於中國。按泛與汜同。○幾希。孟子盡心上曰

舜之居深山之中與木石居與鹿豕遊其所以異於

深山之野人者幾希。○柎。唐才子傳柎宗元字

子厚河東人貞元九年死論榜進士。○宛其死矣

詩唐風山有樞之詞集傳宛坐見之貌。○平生

論語憲問篇久要不忘平生之言。○東周。論

語集解孔安國曰興周道於東方故曰東周也。○

教育。孟子盡心上得天下英才而教育之。○故

近世云云。指伊藤維楨。○舉而措諸天下。易

繫辭之文。但諸作之。○莊。史記列傳曰莊子者

蒙人也。名周。周嘗為蒙漆園吏。著書十餘萬言。大抵

率寓言也。○內聖外王。莊子天下篇曰。內聖外王之道。闇而不明。鬱而不發。林希逸註曰。內聖體也。外王用也。○陶鑄。莊子逍遙遊篇云。將猶陶鑄堯舜者也。孰肯以物為事。○賢者識云云。論語子張篇之文。○武城云云。見論語陽貨篇。家語七十二弟子解曰。言偃魯人。字子游。○孔安國家語後序曰。孔安國字子國。孔子十一世孫也。年四十為諫議大夫。遷侍中博士。○昉。字彙昉音傲。始也。○濂溪。伊洛淵源錄曰。先生姓周氏名惇實。字茂叔。後避英宗之舊名。改惇頤。廬山之麓有溪。

焉。發源於蓮花峯下。先生濯纓而樂之。因寓以濂溪之號。而築書堂於其上。○淵源。家語弟子行曰。其為人之淵源也。多聞而難誕。○奇偶。字彙凡數隻曰奇。雙曰偶。○格物。禮記大學致知在格物。○窮理。易說卦窮理盡性至於命。○五常。出周書泰誓。按此曰五常者。謂仁義禮智信也。○所謂天云云。見禮記中庸。○堯舜之云云。孟子告子下之文。○往來。禮記曲禮曰。禮尚往來。○自負。史記高祖紀。高祖乃心獨喜自負。應劭曰。負恃也。○聰明睿知。易繫辭上云。古之聰



明睿知神武而不殺者夫。○心力。孟子梁惠王  
 上。盡心力而為之。後必有災。○知巧。孟子萬章  
 下。智譬則巧也。○伏羲。史記三皇本紀曰。太皞  
 庖犧氏。風姓。代燧人氏。繼天而王。○神農。史記  
 三皇本紀曰。炎帝神農氏。姜姓。母曰女登。有蟠氏之  
 女。○黃帝。史記五帝本紀。黃帝者。少典之子。姓  
 公孫。名曰軒轅。○利用厚生。虞書大禹謨。水火  
 木金土穀。惟脩正德。利用厚生。○顓頊。史記五  
 帝本紀曰。帝顓頊。高陽者。黃帝之孫。而昌意之子也。  
 ○帝嚳。史記五帝本紀曰。帝嚳。高辛者。黃帝之

曾孫也。○粲然。漢書董仲舒傳曰。粲然有文。以  
 相接。師古曰。粲。明貌。○貶。字書。貶。悲檢切。音匾。  
 謫也。減損也。抑也。○大氏。史記莊子傳。大氏。率  
 寓言也。索隱曰。大氏。猶言大略也。○天理。莊子  
 養生主篇曰。官知止而神欲行。依乎天理。批。大卻導  
 大窾。因其固然。○開國。易師卦上六。大君有命。  
 開國承家。小人勿用。○平治天下。孟子公孫丑  
 下之文。○書曰。乃聖乃文。書大禹謨之文。○  
 詩曰。聖敬日躋。詩商頌長發之篇。爾雅曰。躋。陞也。  
 ○周禮六德。六德者。知仁聖義忠和也。○齊

梁王 齊宣王梁惠王也。○革 字彙云說文皮去其毛革更之。又更易也。○堯 史記五帝本紀曰帝堯者放勳其仁如天其知如神索隱曰堯謚也放勳名帝嚳之子妣伊祁氏。○舜 史記五帝本紀曰虞舜者名曰重華父曰瞽叟索隱曰虞國名舜謚也皇甫謐云字都君也。○文 史記周本紀曰季歷娶太任生昌是為西伯西伯曰文王。○周 史記魯周公世家曰周公且者周武王弟也譙周曰以太王所居周地為其采邑故謂周公。○惠 人物考曰柳下惠者魯公族展氏也名獲字季會無駭

之子盜跖之兄食邑柳下謚曰惠仕魯為士師。○流風 孟子公孫丑上其故家遺俗流風善政猶有存者。○神明 易系辭上聖人以此齊戒以神明其德。○不測 易系辭上陰陽不測之謂神。○若孟子至不為也 見孟子公孫丑上篇。○斟酌 國語周語曰而後斟酌韋昭註曰斟取也酌行也。○持論 漢書儒林傳趙賓持論巧慧易家不能難。○祇 字彙祇適也但也。○救時 唐書姚崇傳姚崇救時宰相。○抑揚 後漢書馬皇后傳曰君人之所抑揚。○古義 漢書儒林傳曰丁寬

從周王孫受古義號周氏傳 ○藉 增韻藉借也

○作聖 書多方曰惟在克念作聖 ○高妙

杜甫詩齊有個儻士魯仲特高妙 ○精微 禮記

中庸曰致廣大而盡精微 ○立極 書洪範曰皇

建其有極 ○漢儒訓極為中 孔安國書傳曰極

中也 ○傳授 孔安國書序口以傳授 ○先王

至及之 禮記檀弓上子思曰先王之制禮也過之

者俯而就之不至焉者跂而及之 △不肖 老子曰

我大似不肖 ○規矩準繩 孟子離婁上聖人既

竭目力焉繼之以規矩準繩 △規所以為員之器也

矩所以為方之器也準所以為平繩所以為直 ○

多端 漢書東方朔傳上知朔多端 ○天職 孟

子萬章下弗與治天職也 ○孟子曰仁云云 孟

子盡心下之文 ○荀子稱云云 見荀子君道篇

○孤立 漢書張湯傳禹志在奉公孤立而湯舞

知以御人 ○親愛 禮記大學曰之其所親愛而

辟焉 ○生養 荀子禮論曰父能生之不能養之

母能養之不能教誨之 ○由之勇 家語七十二

弟子解曰仲由下人也字子路一字季路 △論語雍

也篇子曰由也果 ○賜之達 家語七十二弟子

解曰端木賜字子貢衛人△論語雍也篇子曰賜也  
 達○求之藝家語七十二弟子解曰冉求字子  
 有仲弓之宗族△論語雍也篇子曰求也藝○夷  
 齊伯夷叔齊也共史記有傳索隱曰姓墨胎氏伯  
 夷名允字公信夷其謚也叔齊名智字公達齊其謚  
 也春秋少陽篇云夷姓墨名允一名元瑯邪代醉編  
 云夷齊姓墨台氏故父為墨台初卮言云姓墨名台  
 見孔叢子註似誤△孟子萬章下孟子曰伯夷聖之  
 清者也○惠之和孟子萬章下孟子曰桀下惠  
 聖之和者也○尹之任史記殷本紀曰伊尹名

阿衡索隱曰孫子兵書伊尹名摯孔安國亦曰伊摯  
 然解者以阿衡為官名△孟子萬章下孟子曰伊尹  
 聖之任者也○孟子惻隱孟子公孫丑上曰惻  
 隱之心仁之端也○孟子仁政孟子梁惠王上  
 曰如施仁政於民省刑罰薄稅斂浚耕易耨○輒  
 字彙輒音懾專也又每事即然也○主張莊  
 子天下篇曰孰主張是孰綱維是林希逸註主張綱  
 維但是着力之意○佛後漢書西域傳曰天竺  
 國一名身毒其人弱月氏修浮圖道不殺伐遂以成  
 俗世傳明帝夢見金人長大頂有光明以問群臣或

曰西方有神名曰佛其形長丈六尺而黃金色帝於是遣使天竺問佛道法遂於中國圖畫形像焉 ○

墨子 漢書藝文志註曰墨子名翟為宋大夫 ○

一切 漢書平帝紀曰一切蒲秩如真 ○天地大

德曰生 易繫辭下之文 ○並行云云 禮記中

庸之文 ○瞭然 孟子離婁上曰曾中正則眸子

瞭焉趙岐註瞭明也 ○孔子曰云云 論語述而

篇之文 ○聲依永 書舜典之文 ○和順 易

說卦曰和順於道德而理於義 ○迫切 趙岐孟

子序云孟子長於譬喻辭不迫切 ○跳 字彙跳

他乎切躍也竝足蹶起 ○法身徧一切 華嚴經

如來現相品偈曰佛身充滿於法界普現一切衆生

前清涼疏十身圓融徧四法界 ○楊 名朱姓楊

氏見孟子列子莊子等之書 ○其實云云 禮記

禮運曰禮義也者人之大端也 ○漢儒以屬云云

鄭玄禮記中庸註曰木神則仁金神則義火神則

禮水神則信土神則智又見班固白虎通情性篇

○荀子譏云云 荀子非十二子篇曰畧法先王而

不知其統猶然而材劇志大聞見雜博案往舊造說

謂之五行甚僻違而無類幽隱而無說閉約而無解

案飾其辭而祇敬之曰此真先君子之言也。子思唱之。孟軻和之。世俗之溝猶贅儒。嚶嚶然不知其所非也。遂受而傳之。以為仲尼子游為茲厚於後世。是則子思孟軻之罪也。○舉直至直矣。論語為政篇之文。○逞。字彙逞丑郢切。矜而自呈也。○遏。字彙遏阿葛切。絕也。止也。○塞天地。家語論禮曰志氣塞于天地。○通鑑。朱子通鑑綱目也。○商鞅。史記列傳曰商君衛之諸庶孽公子也。名鞅。姓公孫氏。少好刑名之學。事魏相公叔座。為中庶子。○庠序。事物紀原曰禮有虞氏養國老於

上庠。又曰古之教者家有塾。黨有庠。遂有序。國有學。孟子曰夏曰校。商曰序。周曰庠。學則三代共之。公革曰有虞氏太學為上庠。然則學自有虞氏始也。通典曰漢文翁為蜀郡脩起學宮。天下皆立學。自文翁始也。○祖述。禮記中庸曰祖述堯舜。憲章文武。○封建。事物紀原曰公革曰黃帝分列畫野。得百里之國萬區。唐虞列為五等。此封建之始也。帝王世紀曰炎帝之世有諸侯風沙氏。史記曰神農氏世衰。諸侯相侵。則炎帝時已有諸侯。至黃帝始大封也。陸士衡五等諸侯論畧曰五等之制始於黃唐。謂黃帝

唐堯也。○郡。事物紀原曰。秦始皇二十六年。初并天下。罷侯置守。始分三十六郡也。注。史記曰。秦滅東周。始置三川郡。案說文。天子地方千里。分爲百縣。縣四郡。左傳曰。上大夫受郡。秦始皇以郡監領縣。○縣。事物紀原曰。周禮四甸爲縣。史記秦本紀曰。孝公十二年。并諸小鄉。聚爲縣。商君傳曰。鞅令邑聚爲縣。則名縣之始自秦孝公也。陸法言切韻曰。楚莊王滅陳。以爲縣。縣之名自此始。秦并天下。以郡領縣。隋文帝開皇二年。罷郡以縣隸州也。注說文曰。天子百縣。縣四郡。周禮小司徒之職。方二十里之地也。○

贅旒。公羊傳。襄公十六年。君如贅旒然。○仗。字彙。仗直亮切。憑倚也。○科舉。書言故事曰。天子自詔制舉。曰制科。唐選舉志。所謂制科者。其來遠矣。自漢以來。天子常稱制詔。道其所欲而親策之。唐制取士之科。其天子自詔者。曰制舉。所以待非常之才焉。又曰。唐選舉志曰。唐制取士之科。大要有二。由學館曰生徒。由州縣曰鄉貢。皆外于有司而進退之。其科之目。有秀才。有明經。有進士。又曰。賢良曰大科。賢良方正。漢文帝十五年。詔舉賢良方正。能直言極諫者。以匡朕之不逮。○大變。史記天官書曰。五

百年一大變。○鬯 字彙曰鬯古暢字長也通也

達也又充也。○法家 漢書藝文志曰法家者流

益出於理官。○淪 字彙淪音倫沒也。○骨髓

史記扁鵲傳疾有骨髓又漢書董仲舒傳臧於骨

髓。○道術 家語曰孔子問之曰子巧乎有道術

乎。○巨細 史記田儋傳曰政無巨細皆斷於相

○子夏至可也 出論語子張篇。○子貢至小

者 同上。○銖銖至必過 出漢書枚乘傳。○

精微 禮記經解曰絜靜精微易教也。○析蠶絲

剖牛毛 吳澄朱子贊曰義理玄微蠶絲牛毛。○析

分也剖判也。○渾然 淮南子精神訓渾然而往

註渾轉行貌。○一毫 列子楊朱篇曰伯成子高

不以一毫利物舍國而隱耕。○傳曰至道也 出

家語觀鄉射篇。○孔子至過矣 出論語述而篇

○子思至能焉 出中庸。○堯之用鯨 見書

堯典。△鯨鳥父。○舜殛之 見書舜典。△殛洪武

正韻斥死曰殛。○舜征三苗 見書舜典。△三苗

國名。○禹班師 見書舜典。△班還也。○周公

殺管蔡 見書蔡仲之命。△史記管蔡世家曰管叔

鮮蔡叔度者周文王之子而武王弟也成王時二人



挾武庚以作亂周公且承成王命伐誅武庚殺管叔而放蔡叔。○孔子隨云云見史記孔子世家。△克勝也。○孔子不撤薑。出論語鄉黨篇。○文王嗜昌歠。呂覽云文王嗜昌蒲菹。△本草綱目白菖蒲古人以根為菹謂之昌本亦曰昌歠文王好食之。○朱子引通神明見論語鄉黨篇集註。○附會史記袁盎傳贊曰袁盎雖不好學亦能附會。○含容陳琳檄云加緒含容冀可彌縫。○廣大易繫辭上曰廣大配天地。○用力於仁論語里仁篇有能一日用其力於仁者矣乎。○童牛

之牯易大畜六四之文王弼註處艮之始履得其位能止健初距不以角柔以止剛剛不敢犯抑銳之始以息強爭。△程子傳曰牛之性觶觸以角故牯以制之若童犢始角而加之以牯使觶觸之性不發則易而无傷。△朱子本義曰牯施橫木於牛角以防其觸詩所謂楅衡者也。△按周禮設其楅衡楅以橫木著牛角端以防觸也。衡設於鼻以繫繩也。○豮豕之牙易大畜六五之文王弼註豕牙橫豮剛暴難制之物謂二也。五處得尊位為畜之主二剛而進能豮其牙柔能制健禁暴抑盛。△程傳豕剛躁之物而

牙為猛利若強制其牙則用力勞而不能止其躁猛  
 雖繫之維之不能使之變也若獯去其勢則牙雖存  
 而剛躁自止△徐進齋曰特豕曰豨攻其特而去之  
 曰獯所以去其勢也○襲而取之○孟子公孫丑  
 上篇非義襲而取之也○摠苗○孟子公孫丑上  
 篇助之長者摠苗者也○油然○孟子梁惠王上  
 篇天油然作雲沛然下雨註油然興雲之貌○慝  
 字彙慝惡也○澡○字彙澡音早洗滌○扶  
 字彙扶音噉說文挑也廣韻扶出也○剔○字  
 彙剔音惕解骨也○吹毛求疵○漢書武帝紀曰

奏其過惡吹毛求疵○庸醫○古今醫統云粗工  
 昧理曰庸醫○性惡○荀子性惡篇曰人之性惡  
 其善者偽也○矯○小補韻會矯舉天切前禹貢  
 傳矯復古化註正曲曰矯又字彙強也○恃○字  
 彙恃時吏切賴也○歐陽子○歐陽脩年譜曰名  
 脩字永叔吉州永豐人年六十四乞知壽州更號六一  
 居士明年致仕六十六薨△性非學者之所急見  
 本集答李詡第二書○罕言○論語子罕篇子罕  
 言利○卓○字書卓特立也高也遠也○石膏  
 大寒○本州綱目李時珍曰石膏其文理細密故名

細理石。其性大寒如水。故名寒水石。△名醫別錄云。石膏生齊山山谷及齊盧山。魯蒙山。采無時。細理白澤者良。○附子大熱。本艸綱目。李時珍曰。附子初種為烏頭。象烏之頭也。附烏頭而生者為附子。如子附母也。烏頭如芋魁。附子如芋子。蓋一物也。△名醫別錄曰。附子生犍為山谷及廣漢。冬月采為附子。春月采為烏頭。又曰。茸大熱。○煨。本艸修治時珍曰。古法惟打碎如豆大。絹包入湯煮之。近人因其性寒。火煨過用。△玉篇。煨。熱也。乾也。又五音集韻。火氣猛也。○煨。本艸修治。保昇曰。附子采得以生。

熟湯浸半日。出以白灰裹之。數易使乾。又弘景曰。凡用附子。皆熟灰微炮。令折勿過焦。△玉篇。煨。盆中火爇也。△按字彙。爇。於刀切。埋物灰中。熟之即煨也。又五音集韻。煨。畜火也。○勝天。汲書曰。兵強勝人。人強勝天。○君子不器。出論語為政篇。○據於德。依於仁。出論語述而篇。○粥。字彙。余六切。音欲。與鬻同。賣也。○優游。詩卷阿篇曰。伴奭爾游矣。優游爾休矣。○換。字書。換易也。○渙。然水釋。杜預左氏傳序曰。渙然水釋。怡然理順。○思過半。易繫辭下曰。知者觀其彖辭。則思過半。

矣。○不憤至發。論語述而篇之文。○聒說

文聒謹語也。○游說。史記蘇秦傳游說六國。

○儻侗。字彙儻音壘。侗音通。無知也。儻侗未成器

也。○鹵莽。莊子則陽篇曰。長梧封人問子牢曰。君為政焉。勿鹵莽。△字彙鹵莽苟且貌。○僅。字

彙僅少也。纔也。○立談。揚雄解詡曰。或七十說

而不遇。或立談而封侯。○飲水至知。傳燈錄云。

道明與六祖曰。蒙指授入處。如人飲水。冷暖自知。又

出少室六門血脉論。○古謂云云。出史記入史

公自序。○直情至道也。禮記檀弓之文。○孔

子至茲乎。見論語子罕篇。○故孔子云云。見

論語公冶長篇。○鄉。劉濕釋名曰。鄉向也。衆所

向也。○明白。老子云。明白四達。能無知乎。○

齊整。管子弟子職篇曰。顏色整齊。中心必式。○

枯槁。莊子刻意篇曰。此山谷之士。非世之人。枯槁

赴淵者之所好也。○肅殺。唐王丘詩。肅殺從此

始。方知胡運窮。△記月令孟秋之月。天地始肅。又曰

仲秋殺氣浸盛。○宇宙。莊子齊物論曰。傍日月

挾宇宙。△揚升菴集云。上下四旁曰宇。徃古來今日

宙。人皆知之。而不知其出於尸子也。○馴致。易

艮卦初六象曰。馴致其道至堅冰也。○無用。荀子非十二子篇曰。言無用而辯。辯不惠而察。治之大殃也。○堅白。莊子齊物論以堅白之昧終。○樂正至詩書。見禮記王制篇。○不學無術。漢書霍光傳贊曰。光不學亡術。闇於大理。○事不師古。書說命之語。○驟。字彙疾速曰驟。○感應。易咸卦彖曰。二氣感應以相與。○遷善遠惡。禮記經解曰。使人日徙善遠罪而不自知也。○日計云云。淮南子俶真訓曰。日計之不足。而歲計之有餘。○流通。淮南子脩務訓知能流通。○

無窮。書畢命曰。建無窮之基。亦有無窮之聞。○溫柔。家語問玉篇曰。溫柔敦厚而不愚。○五十步。見孟子梁惠王篇。○傲。字書傲慢也。倨也。○獨立。老子云。獨立而不改。周行而不殆。○天上至獨尊。出三世因果經。又普曜經云。佛初生。東西及南北。各行於七步。分手指天地。作師子吼聲。上下及四維。無能尊我者。○茫茫。左氏傳襄公四年。茫茫禹迹。畫為九州。○窮極。列子周穆王篇曰。千變萬化。不可窮極。○未發。禮記中庸之語。○一槩。屈原懷沙賦。同糅玉石兮。一槩而相。

量 ○大訓 書顧命曰守文武大訓無敢昏逾

○大法 荀子儒效篇曰法後王一天下制度隆禮

義殺詩書其行以有大法矣 ○尊信 漢書彭宣

傳曰禹以帝師見尊信 ○樸學 漢書倪寬傳武

帝曰吾始以尚書為樸學弗好 ○疏通知遠 家

語問玉篇曰疏通知遠書教也 ○修辭 易文言

傳修辭立其誠所以居業也 ○孔子至以言 出

論語季氏篇 ○勸善懲惡 左傳成公十四年君

子曰懲惡而勸善非聖人誰能脩之 ○鄭衛淫奔

鄭衛國名史記索隱云鄭縣名屬京兆又衛世家

註宋忠曰康叔從康徙封衛衛即殷墟定昌之地又

地理詳見詩註△淫奔之詩見詩二國風氓遵大路

等之類 ○掬 字彙曰說文撮也小爾雅掬一升

也今俗謂兩手所奉為一掬則數合耳曲禮受珠玉

者以掬兩手承之恐墜落也 ○迂遠 史記孟子

列傳曰迂遠而闕於事情 ○不易 周禮地官司

徒不易之地家百畝 ○大序 子夏詩序也出文

選△小序不知誰人之所作序之說詳陳臥子詩蒙

引 ○關雎 詩周南之篇名 ○委巷 禮記曲

禮曰是委巷之禮也注曰街巷委曲 ○矜持 晉

書王義之傳曰。聞信至咸。自矜持。宵舉要韻。會云宵小也。○丈夫。黃氏日抄云。人壽以百歲為正形。以一丈為正。故名男子為丈夫。○典要。易繫辭下。上下无常。剛柔相易。不可為典要。○刺。字彙。刺音次。諷刺譏切也。○引而至長之。易繫辭上之文。○酬酢。易繫辭上曰。是故可與酬酢。○微辭。好色賦序云。王為人體貌閑麗。口多微辭。○日月云云。孔叢子論書篇。子夏曰。書之論事也。昭昭然若日月之代明。離離然若星辰之錯行。○義之府。左傳僖公二十七年。詩書者義之

府也。禮樂者德之則也。○紀綱。書五子之歌。今失其道。亂其紀綱。○一言。論語子張篇云。子貢曰。君子一言以為知。一言以為不知。言不可不慎也。○禮之云云。家語曲禮。子貢問曰。禮也者。由體也。體不備。謂之不成人。○鼓舞。易繫辭上。鼓之舞之以盡神。○平治。孟子公孫丑下曰。夫天未欲平治天下也。如欲平治天下。當今之世。舍我其誰也。○四術。禮記王制曰。樂正崇四術。建四教。順先王詩書禮樂。以造士。○一以貫之。見論語里仁及衛靈公篇。○參。家語七十二弟子解曰。曾

參南武城人字子興 ○聞而知之 孟子盡心下

若禹臯陶則見而知之若湯則聞而知之 ○推尊

韓文集與孟尚書書曰愈嘗推尊孟氏以為功不

在禹下 ○一理一心誠 朱子曰一是一心又曰

一理真德秀曰一貫本是言誠按一貫諸說甚多矣

或謂合一或謂道是一的別無一可言或謂精一之

旨安所適從乎 ○孔子至茲乎 出論語子罕篇

○繼 字彙繼錢貫 ○目前 杜甫詩歷歷開

元事分明在目前 ○天忠恕云云 性理大全朱

子曰忠恕兩字在聖人有聖人之用在學者在學者

之用就聖人身上說忠者天之天恕者天之人就學

者身上說忠者人之天恕者人之人 ○職此之由

左傳襄公十四年益言語漏洩則職女之由杜註

職主也△文選任彥外奏彈曰疆場侵駭職是之由

○易有大極 出易繫辭上 ○研幾 易繫辭

上曰夫易聖人所以極濩而研幾也 ○性者性質

也 孝經說之文 ○婚姻 禮記昏義註疏曰壻

曰昏妻曰姻壻以昏時來女則因之而去 ○合樂

周禮太司樂曰以六律六同五聲八音六舞大合

樂以致鬼神示 ○荒唐 莊子天下篇曰謬悠之



說荒唐之言。郭象註荒唐無域畔也。○朽索之馭

書五子之歌。予臨兆民。懍乎若朽索之馭六馬。

○大學 事物紀原云。禮有虞氏養國老於上庠。又

曰古之教者。家有塾。黨有庠。遂有序。國有學。孟子曰。

夏曰校。商曰序。周曰庠。學則三代共之。公革曰。有虞

氏大學為上庠。然則學自有虞氏始也。○人倫至

下 孟子滕文公上之文。○陽明 萬姓統譜云。

王守仁字伯安。號陽明山人。○徒然 李白詩。寸

心無疑事。所向非徒然。○約身 論語顏淵篇曰。

克己復禮。馬融註曰。克己約身也。○克家 易蒙

九二。包蒙吉。納婦吉。子克家。○六經殘缺 漢書

藝文志曰。周室既微。六經殘缺。○嚆矢 莊子在

宥篇曰。焉知曾史之不為。架跖嚆矢也。郭象註。嚆矢

矢之猛者。翼註曰。嚆矢。矢之鳴者。嚆大呼也。

審曆十二年壬午冬十月

心齋橋通唐物町

浪華 北田清左衛門求梓

辨道標註終

宣統二年十月十日

大清宣統二年十月十日  
奉天省城  
○六

宣統二年十月十日  
宣統二年十月十日

